

VI
EPISTOLA
ANATOMICA, PROBLEMATICA
DECIMA & SEXTA,

Ad Virum Illustrum

FREDERICUM RUYSCHIIUM,

M. Doct. Anatomie ac Botanices Professore.

D E

Viis absconditis Pulmonum, quibus aër, respirando receptus,
in sanguinem penetrat; nec non de Vasorum secreto-
riorum structura Mechanica, & de fibrillarum
nervearum in Cerebro principiis.

Authore

M. ABRAHAMO VATERO, *Vitemb. Medicin. Studiofo.*



A M S T E L O D A M I,

Apud J A N S S O N I O - W A E S B E R G I O S.
M D C C X X V I I.



Vir Illustris atque Celeberrime



Iraberis haud dubie, me, ne per nomen quidem cognitum Tibi, eo procedere audaciæ, ut his literis in tuum conspectum venire audeam. Neque id Tibi immerito videbitur mirum, cum omnes illi, quos antecessores in hoc instituto habeo, Viri Experientissimi, Artis nostræ Doctores Candidatique, privata Tua informatione iam instituti fuerint, ad Quorum ingenii bonæque indolis famam me haud quaquam accedere, mihi ipsi optime sum conscius. Ignoscas tamen, Vir Clarissime, huic tanto meo desiderio, quo incensus, nihil magis in votis habeo, quam ut absens, cum mihi præfenti nondum licuerit, solidissima Tua in Re Anatomica informatione frui queam, eamque his literis in me convertendi nunc est animus.

Annus iam est, & quod excurrit, cum ingenii expoliendi causa, Mechanismum actionum vitalium explicare, secundum optimas, ac rationi maxime consentaneas Philosophorum modernorum hypothesen, una vel altera disputatione in animum induxi. Exhibui proinde iam illo tempore harum disputationum primam, de Principio Vitali, quam ea, qua par est, observantia Tibi hic offero, qua præcipua de Illo Philosophorum dogmata recensui, ac pro virium tenuitate illustravi. Instituti igitur mei ratio iam dudum postulasset, ut promissis meis satisfecissem, & structuram organorum Mechanicam, indeque dependentem Mechanismum actionum vitalium, prout nunc ea omnia per Virorum eruditorum industriam patefacta nobis sunt, brevibus exposuissem. Præterquam autem, quod vario studiorum negotiorumque genere impeditus, animum ad id applicare hætenus non potuerim, obsteterunt etiam quam maxime dubia quaedam, circa structuram ipsam organorum vitæ inservientium obvia, quæ animum meum hucusque ancipitem detinuerunt.

Et quidem respiratio, licet organis peragatur pro voluntate mobilibus, inter actiones vitales primo mihi loco erit nominanda, cum ea sit prima hominis nati operatio, in Eo nunquam

plane aboleri sine præsentaneo vitæ periculo queat, ac eius præterea integritas ad vitam continuandam multum faciat. De eius autem, quem præstat, usu, uti varie inter Physicos disceptatum fuit; ita imprimis quaestio exorta est, utrum particula aëris, per inspirationem intra pulmones recepti, transeat per poros venæ pulmonalis, intra ipsam spectantes, atque adeo impressione atque impetu immediato in liquidum venosum facta, motum ejusdem promoveat; an vero sola laterali vasorum sanguiferorum compressione, idem aër motum sanguinis, per venam pulmonalem ad cor redeuntis color vividior, maiori potius illius divisioni atque comminutioni, quam novæ aëris accessioni adscribendus sit. Utrumque autem idonea admodum ratione coniungi posse existimo, cum duæ causæ sociæ, quarum utraque sola ad effectum producendum apta est, inter se consentientes, ac in unum conspirantes, eo fortius agant: modo id sufficientibus experimentis evictum fuerit, dari huiusmodi poros, intra venam pulmonalem hiantes, qui in flatu maxime naturali, absque violenta per inflationes injectionesque distensione, aliquid aëris ex pulmonum vesiculis in sanguinem admittere possint. Quicquid sit, sive mediate, sive immediate, sive utroque modo sanguinis divisionem adjuvet aër, hoc ipso tamen non solum circulationi per pulmones, sed universo circulo vitali per totum corpus præesse videtur.

Circuitus deinde sanguinis vitalis, uti æquali prorsus, ac nullatenus interrupta pressione, per universi corporis vasa organaque viget, ita admiratione dignum omnino est, eius, tanquam principii cuiusdam universalis beneficio, varios ac plane heterogeneos in diversis visceribus succos secerni. Cujus rei fundamentum, posthabitis illis, quæ de animabus, spiritibus, facultatibus, suctionibus, fermentationibus, & præcipitationibus proferri solent, unice in determinata, ac liquori secernendo proportionata tubulorum configuratione, ingeniose admodum ab hodiernis Mechanico Physicis collocatur. De eo tamen nondum convenit inter eos, an sola diametri in poris diversitas huic separationi explicandæ sufficiat, ita ut pro huius exiguitate, subtilioribus transitus pateat, crassioribus vero interdicatur: an præter hanc concurrat etiam figura osculorum, quoad superficiem interiorem, angulos & latera distincta, qua non nisi ejusdem figuræ particulæ tubulos illos intrare queant. De

Denique cum certum omnino sit, non solo sanguinis motu, sed huius atque liquidum nervorum æquali pressura ac æquilíbrio, motiones corporis nostri peragi, ratio reddenda videtur, quamobrem ab his duobus principiis, aequaliter prementibus, actiones tam diversæ oriuntur, quarum quædam absque prævia mentis cogitatione, & contra voluntatem, sine omni intervallo durant, quædam autem a nutu nostro pendent, quædam tandem medio quasi loco existunt, ita ut quidem per naturam, nobis cogitantibus, continentur, a nostra tamen voluntate accelerari quodammodo ac suspendi possit. Clarissimus WILLISIUS (*) distincta distinctis motionibus principia præfinit, ita quidem ut cerebrum, per nervos peculiares, affundat succum suum organis, pro voluntate mobilibus, cerebellum autem activas reddat partes continuo movendas: utrumque autem vires suas coniungat in organis, partim voluntariæ, partim involuntariæ motioni inservientibus. Consentiant cum WILLISIO Viri celeberrimi DU HAMEL, (a) VIEUSSENS, (b) PERRAULT (c) BOHNIUS (d) alique complures, suamque sententiam experimento confirmant, dum canis vivi cranio aperto, & cerebro discisso, actiones voluntarias aboleri, involuntarias vero durare perhibent: cum e contrario cerebello læsa, hæ in momento desinant. De cuius experimenti veritate, cum neque Viro- rum tantorum auctoritas fide dignissima, neque ipsa ratio dubitare permittat; præterea admodum probabile sit, diversas cerebri provincias distinctum quoque usum habere; nec non ipse nervorum e cerebro egressus consentiat, libenter huic sententiæ subscribo: non tamen neglecta organorum ipsorum constructio- ne, cum illa quæ pro voluntate moventur, musculis instructa sint, in distinctas regiones tendentibus, reliqua vero, continuo motu gaudentia hoc musculorum apparatu careant. Quando- quidem autem multæ adhuc difficultates, circa fibrillarum ner- vos constituentium origines, occurrunt, ex Te, Vir Amplis- sime, scire cupio, quisnam sit verus nervorum singulorum or- tus

A 3

tus

(*) *Anat. Cerebr.* C. XV. XVI. XVII. & XVIII.(a) *De Corp. animat.* L. IV. C. I.(b) *Neurograph. Univers.* L. I. C. XX.(c) *Méchanique des Animaux.* P. II. c. 7.(d) *In Remunitione Pulverum Scd.* II. C. I.

rus, non tam quoad funiculos ipsos, quam fibras easdem componentes.

Trium horum dubiorum solutionem, utut vel ex viva Præceptorum meorum informatione accipere, vel ex eruditissimis tum quorundam Anatomicorum recentiorum scriptis tum præcipue egregiis Tuis, Vir Celeberrime, inventis ac præparationibus, quas consignatas orbi erudito communicasti, haurire potuissim: Non potui tamen non eorum explicationem his literis abs Te petere, partim ut Tibi quodammodo innotescerem, ac Tuam mihi benevolentiam conciliarem, antequam ipse ad Te venirem: partim ut maiori cum animi certitudine, organorum vitalium constructionem actionemque mechanicam, Tua fretus auctoritate, in rebus Anatomicis præcipua, consignare queam. Tibi enim soli, si ulli unquam, extremitates vasorum, ad minimum quorundam, ac pororum figuræ, propter assiduas liquorum iniectiones, ac curiosissimas viscerum præparationes, intueri concessum fuit, ut adeo Tibi in iis, quæ Te vidisse confiteris, maxima fides adhibenda sit. Neque tamen huic meo singulari desiderio satisfecissem, nisi excitatus admonitione Celeberrimi BERGERI, Collegæ atque Amici Parentis mei conjunctissimi, ac Patroni non minus, quam Præceptoris mei maximopere suspiciendi. Hunc Virum, mihi colendum, Te in sinu admodum fovere, cum me non omnino fugiat, per illum Tuam me gratiam ac benevolentiam acquisiturum, nullus dubito. Quamobrem vehementer etiam atque etiam abs Te peto atque contendo, meæ cupiditati tantum des, & vel tribus saltem verbis, Tuam de his dubiis sententiam scire me permittas. Facies hoc ipso rem, non solum mihi, sed universo Orbi erudito gratissimam, ac Tanto Viro dignam. Ego vero non solum animo absens, sed occasione data præsens, verbis gratias Tibi agam maximas, & semper permanebo

Amplissimi Tui nominis

cultor assiduus atque perpetuus

Vitembergæ
Die X. Calend. August.
M. DCC. VIII.

M. ABR. VATER, *Vitemb.*
Medicinæ Studiosus.

FRE-

7

FREDERICI RUYSCHII
RESPONSIO,

Ad Virum Doctissimum

M. ABRAHAMUM VATERUM.

Medicinæ Studioſum eruditiffimum

IN EPISTOLAM ANATOMICO - PROBLEMATICAM
DECIMAM & SEXTAM

De Viis abſconditis Pulmonum; quibus aër, respirando receptus, in ſanguinem penetrat; nec non de Valorum ſecretoriorum ſtructura Mechanica, & de fibrillarum nervearum in Cerebro principiis.

M. ABRAHAMO VATERO

Viro Doctiſſimo

FREDERICUS RUYSCHIUS.

S. P. D.



Uæ mihi in Epiftola tua Anatomica, Problematica propoſuiſti, tanti ſunt ponderis & tam recondita, ut ne ingenia quidem acutiſſima hæcenus ſuffecerint ad illa enucleanda; itaque credere noli, me illos nodos plane ſoluturum eſſe, præſertim cum illa oculorum aciem fugiant & autoptica demonſtrari non poſſint, & hinc non inepte abs te abſcondita dicantur: tentabo tamen, quantum potero, aliquam his lucem affundere, & quæ mea ſit ſententia, lubens communicabo.

Itaque

Itaque quod 1^m. Problema attinet, sc: *quæ sint viæ absconditæ per quas aër respirando receptus, in Sanguinem penetret.*
 Resp. Aërem per Pulmonem sanguini immisceri, in totum negari quidem non posse, sed omnem aërem, quo sanguis impletur, deferri per Pulmonem in sanguinem (salvo aliorum iudicio) affirmare non auiam, cum viæ adsint, quæ non minus aptæ natæ sint, ad illud præstandum, de quibus infra.

Aërem per Bronchiorum extremitates capillares in inspiratione comprimi in membranas & vesiculares cellulas, Pulmonem maxima parte constituentes, vel lippis ac tonsoribus notum.

Omnes membranas corporis nostri latice seroso irrorari certum esse existimo, non autem prætensarum Glandularum *Malpighii* & *Stenonis* ope, quas nemo demonstrare potest: illud autem extremis arteriis, tomenti instar, tenuibus, adscribendum esse censeo.

Aërem facile misceri cum liquore aquoso, quis negabit? præsertim cum nihil notius, quam quod aër in laticem aquosum, & hic denuo à calore in aërem reduci possit.

Vasa lymphatica non solum, verum etiam venularum extremitates porosas esse, illorumque poros esse recipientes & admitcentes, ex sanguinis circulatione & artificiosa vasorum mea repletionem, satis superque constare mihi videtur.

Hisce positis, existimo, aërem per Pulmonis Bronchia in dictas membranaceas cellulas vesiculares, compressum, Musculorum thoracis & diaphragmatis ope, illic tandem combinari & misceri, cum latice aquoso aut seroso, per ultimas extremitates roris instar in dictas cellulas effuso.

Serositatem sanguinis cum aëre ita commixtam, tandem ab extremis ramusculis Venarum, ut & Lymphaticorum vasorum absorberi & in sanguinem deferri, puto.

Dixi superius omnes corporis nostri membranas continuo irrorari latice seroso, ex Arteriarum extremis oriundo: illud autem confirmat replendi methodus mea nova, quâ luculentissime in meis præparatis exhibeo & demonstro ceraceam materiam ex ultimis omnino extremitatibus arteriolarum roris instar ita effundi, ut objecta summâ rubedine sint perfusa, idque sine ullâ extravasatione præternaturali.

Si quis ejusmodi objecta domi meæ perlustraverit, sive armatis,

tis, five inermibus oculis, facile in sententiam meam descender, nam clare videri potest dicta ceracea materia, quæ fumi aut roris instar ex poris emittentibus exitum sibi quæsit, quemadmodum sanguinis chylo-ferositas (ut ita loquar) in homine vivo.

Interim, Vir Solertissime, credere non possum aliquid offensurum esse ad illum lapidem, sc: quod statuerim in ultimis omnino extremitatibus Arteriolearum, loco sanguinis rubri in statu perfectiore & sano, laticem Chylo-ferosum hospitari; illud enim satis superque constat in cute & aliis corporis partibus: sanguis enim rubedinem exuit, antequam viam ad ultimum extremum absolverit.

Cum autem tantum aëris per Pulmonem introducti non sufficiat ad vitam sustentandam, existimo, alias haud minus aptas reperiri vias, pro sanguinis aditu in sanguinem, sc: poros cutaneos admittentes, talesque exillere æque ac emittentes.

Hoc luculenter constat ex Mercurio & Cantharidum applicatione super cutem, per hosce, aëris aditus in corpus nostrum non minus denegatur, quam Mercurio aut Cantharidibus: eo-que introducto per aëris ambientis compressionem, miscetur cum serositate, qua perfusæ sunt, ut supra dixi, partes interiores, quæ miscela tandem absorbetur ab extremis venulis & Vasis Lymphaticis,

In statu sano & perfectiore, tantum, quantum requiritur aëris, in sanguinem deferitur; non raro tamen contingit massam sanguineam obrui à nimia aëris copia, quemadmodum sæpius fit in iis, qui subito è medio tolluntur, sicuti observavi in muliere, quæ subito ultimum diem obierat, ejusque cadaver cultro Anatomico subjeceram; quid sit? aperto Thorace, Cor stupendæ erat magnitudinis, ab aëre, quo plenum erat, absque ullo fere sanguine, id quod palam factum cuspidi cultelli; ea enim adacta tam subito subsidebat Cor, ac Vesica aëre repleta, & cuspidi cultelli attacta

Talem afflictum lethalem fieri existimo, à nimia aëris copia, quæ in corde locupletata & copulata sanguinis aditum in Cor præpedivit.

Quod ad Illm. Problema attinet, sc: *de Vascularum secretoriorum structura mechanica*: cum illud multum molestitæ hætenus attulerit, & nondum mihi ea in re satisfacere potuerim, sicco pede

10 RESPONSIO FREDERICI RUYSCHII.

pede transire cogor, donec Mammarum, Parastatarum &c Vasa luculentius percrutatus fuero.

Relictis illis, ad Ill^m. me conferam, sc: *de Fibrillarum nervorum in Cerebro principiis.*

Hæc fibrillas originem habere existimo ex tractibus medullaribus Medullæ oblongatæ, idque principio subtilissimo, præsertim circa Nucham, membranula Arachnoidea obductæ, è qua membrana tamen non proveniunt, uti Cl. Blasius, ejusque sectatores statuerunt; nam hi tractus medullares, antequam Medullam relinquunt, & nondum Nervorum nomine appellantur, non sine artificiosa encheyresi in conspectum producuntur, ea propter illos, ne unquam quidem ab aliis vidi demonstratos in subjecto ipso: imò, quid concludendum sit ex illorum figuris, aliis judicandum relinquo; quicquid ego hac de re delineandum curavi, demonstro & objecta ipsa refero.

In Fig. Epist. 2. Tab. 15. Anatom. Problem. XII. delineandam portionem Medullæ oblongatæ cum suis tractibus longitudinalibus, & hæc substratis orbicularibus.

Qui veram notitiam hujus rei satagit, monendus est, nè coquat Cerebrum, sed retineat in statu naturali, sicuti ego facio & refero, ita ut vitæ speciem referat, tantum nonnihil indurando per liquorem convenientem.

Rejiciendum quoque, quod nonnulli faciunt, qui post indurationem in segmenta digitis distringunt Cerebrum, quo facto, striæ apparent, sicut in caseo non admodum indurato, & in partes dilacerato, easque nobis obtrudere conantur pro tractibus Cerebri.

Hæc Vale, Doctissime Vir, meque amare pergit.

Dabam Amstelodami
in Museo, d. 10. Decemb. 1713.